

**ՀՀ Արմավիրի մարզի Մրգաշատ  
համայնքի ղեկավար Գ. Դանիելյանի  
2017թ. 2-րդ կիսամյակի կատարած աշխատանքների**

**Հաշվետվություն**

Մասնակցությամբ՝ Հայաստանի Հանրապետության Արմավիրի մարզպետարանի աշխատակից՝ Արայիկ Հակոբյանի, համայնքի ավագանու և 103 բնակիչների:

**24-01-2018թ.**

Հայաստանի Հանրապետության Արմավիրի մարզի Մրգաշատի համայնքի ղեկավարը, ղեկավարվելով Հայաստանի Հանրապետության Սահմանադրությամբ, նրանից բխող օրենսդրական և ենթօրենսդրական ակտերով, «Տեղական ինքնակառավարման մասին», «Իրավական ակտերի մասին» ՀՀ օրենքով, համայնքի ղեկավարի աշխատակազմի, ավագանու և համայնքապետարանի ենթակայության տակ գտնվող հիմնարկների աշխատակիցների միջոցով իրականացրել է իրեն վերապահված իրավասությունների շրջանակներում՝ իր լիազորությունները:

Հիմնական նպատակը՝ համայնքի բնակչության կենսամակարդակի բարձրացումն է, որին հասնելու ճանապարհին սահմանվել են կարևորագույն սոցիալ-տնտեսական խնդիրները, որոնք էլ անհրաժեշտություն է եղել լուծելու 2017թ. 2-րդ կիսամյակի ընթացքում: Այդ խնդիրների լուծման համար կարևորագույն պայման է հանդիսացել Արմավիրի մարզպետի, մարզպետարանի աշխատակազմի և համայնքի ավագանու ամենօրյա հոգատար վերաբերմունքը և համայնքի խնդիրների լուծմանն աջակից լինելու պատրաստակամությունը, որի արդյունքում արձանագրվել է որոշակի հաջողություններ, որոնք ըստ բնագավառների ներկայացնում են Ձեզ:

***Գյուղատնտեսության և բնապահպանության բնագավառ***

Համայնքի ղեկավարը աջակցում է համայնքի բնակչության գյուղատնտեսական աշխատանքների իրականացմանը, ինչպես նաև գյուղ. մթերքների մշակմանն ու իրացմանը:

Հետևողական աշխատանք է տարվում ոռոգման ջրի մատակարարման ուղղությամբ:

Համայնքը ունի շուրջ 1055 գլուխ խոշոր եղջերավոր, 2068 մանր եղջերավոր անասուններ և 1080 գլուխ խոզ: Համայնքի բնակչությունը հիմնականում զբաղվում է ցորենի, բանջար-բոստանային կուլտուրանների, արվույտի, պտղաբուծության և խաղողի մշակությամբ:

Համայնքի հողերից շուրջ 230 հա չի մշակվում, որի հիմնական պատճառներն են՝

1. Հողասեփականատերերը բացակայում են համայնքից
2. Թունաքիմիկատների բարձր սակագները և անորակությունը
3. Ոռոգման ջրի խիստ սակավությունը

Ուշադրության կենտրոնում է պահվում բերքի իրացման, գյուղատնտեսական մշակաբույսերի վնասատուների դեմ պայքարի աշխատանքները և պարբերաբար կատարվում են ներտնտեսային ոռոգման ցանցի մաքրման աշխատանքները:

Մարգալետարանից համայնքին հատկացվել է սելիտրա և դիզելային վառելանյութ:

Անմիջական հսկողություն է իրականացվում անասնաբուժական ծառայության գործում՝ ժամանակին կատարվում են բոլոր հակահամաճարակային միջոցառումները՝ կենդանիների հիվանդությունների կանխարգելման ուղղությամբ:

Հետևողական և սիստեմատիկ հսկողություն է սահմանվում հանձնաժողովի կողմից առևտրի, հասարակական սննդի և կենցաղային ծառայությունների ոլորտում գործող օբյեկտների գործունեության վրա: Ներկայումս համայնքում գործում է 16 առևտրի օբյեկտ:

### ***Հողաշինության և հողօգտագործման բնագավառ***

Ամենօրյա ուշադրության կենտրոնում է գտնվում և օրենքով սահմանված կարգով վերահսկողություն է իրականացվում հողերի նպատակային օգտագործման վրա:

Ապահովվում է համայնքի սեփականություն հանդիսացող շենքերի և շինությունների պահպանումը, շահագործումը և նորոգումը:

### ***Քաղաքաշինության և կոմունալ տնտեսության բնագավառ***

Կառավարության սահմանած կարգով վերահսկողություն է իրականացվում համայնքի քաղաքաշինական գործունեության նկատմամբ:

Քաղաքացիների դիմումների հիման վրա կատարվել է հողամասերի չափագրման և սահմանների ճշգրտման աշխատանքներ, տրվել են ճշտված իրավիճակային հատակագծեր: Պարբերաբար կատարվում են խմելու ջրի ջրագծերի վթարների հայտնաբերման և վերացման աշխատանքներ:

Սահմանվում է հսկողություն խմելու ջրի, որակի, ինչպես նաև վարակազերծման նկատմամբ:

Պարբերաբար կատարվում են աղբահանման աշխատանքներ:

### ***Մշակույթի և երեսասարդության, կրթության, առողջապահության սպորտի, սոցիալական ծառայության բնագավառ***

Հատուկ ուշադրություն է դարձվում կրթության, մշակույթ և մարզական օջախների ռացիոնալացմանը և նպատակային գործունեությանը:

Համայնքում գործում է 2 միջնակարգ դպրոց:

Աշակերտների թիվը՝ 603

Աշխատողների թիվը՝ 102

Համայնքում գործում է նաև 1 երաժշտական դպրոց, որն ունի 85 սան:

Համայնքապետարանի ուշադրության կենտրոնում է դպրոցը: Կրթության որակը գտնվում է բարձր մակարդակի վրա:

Համայնքի մանկապարտեզ են հաճախում 116 երեխաներ: Մեկ երեխայի հաշվով փաստացի ծախսը կազմել է մոտավորապես 6000 դրամ, սակայն ծնող. գումարը նախատեսվել է 2000 դրամ, մնացած ծախսերը կատարվել է համայնքապետարանի կողմից:

Մեծ ուշադրություն է դարձվում թոշակառուներին. կազմակերպվել է միջոցառում էքսկուրսիա դեպի Սևան: Համայնքում կազմակերպվել է ավանդական դարձած <Մաճառի տոն> և Ամանորյա միջոցառումները :

Մշակույթի տանը գործում են ըմբշամարտի, պարի և նկարչական խմբակներ:

Համայնքում գործում է << Խնամակալության և հոգեբարձության>> հանձնաժողով, որի հիմնական խնդիրը թափառաշրջիկ, անօթևան երեխաների հայտնաբերումն ու դաստիարակումը: Ի ուրախություն մեզ՝ համայնքում նման երեխաներ չկան, պարբերաբար դրամական օգնություն է տրվում երկկողմանի և միակողմանի ծնողագուրկ երեխաներին:

Ֆինանսական աջակցություն է տրամադրվել համայնքի սոցիալապես անապահով 24 ընտանիքների: Մահացածների ընտանիքներին տրվել է միանվագ դրամական օգնություն 60000-ական դրամի չափով: Յուրաքանչյուր ծնված երեխայի համար 50000 դրամ օգնություն: ՀՀ բանակից զորացրված գյուղի յուրաքանչյուր բնակչին համայնքը տրամադրում է 40000-ական դրամ:

Համայնքում հաշվառված են 620 թոշակառու, 65 նպաստառու ընտանիքներ:

Համայնքի ընդհանուր տնտեսությունների թիվը կազմում է 1944, որից առկա՝ 1820: Առկա բնակչության թիվը՝ 6145:

Համայնքում բարձր է պատասխանատվությունը զորակոչի նկատմամբ:

### ***Ֆինանսական բնագավառ***

Աստիճանաբար բարելավվում է համայնքի ֆինանսական կացությունը՝ իրականացնելով հարկային և ոչ հարկային եկամուտների, տեղական տուրքերի և վճարների սահմանման և գանձման ճկուն քաղաքականություն:

### ***2017 թ. 1-ին կիսամյակում հավաքագրված եկամուտները***

անվանումը	2017 թվական		Կատարողական %
	պլան	փաստացի	
Հողի հարկ	18000.0	19574.6	108.7
Գույքահարկ	11592.4	12415.6	107.1
Տեղական տուրք	450.0	129.7	28.8
Հողի վարձավճարներ	1550.0	1225.8	79.1
Պաշտոնական ընթացիկ տրանսֆերտներ	101713.6	101713.6	100
Տեղական վճարներ	2800.0	3073.6	109.8
<b>Ընդամենը</b>	<b>136106.0</b>	<b>138132.9</b>	<b>101.5</b>

### ***Կատարված ծախսերը***

	Ծախսերի անվանումը	2017թ տարեկան պլան	Փաստացի
1	Ընդհանուր բնույթի ծախսեր	59622.0	54751.5
2	Տնտեսական հարաբերություններ	16885.8	16656.0
3	Շրջակա միջավայրի պահպանում	4500.0	4208.8
4	Բնակարանային շինարարություն	2000.0	1338.1
5	Առողջապահություն	450.0	450.0
6	Հանգիստ, մշակույթ	24051.0	21967.8
7	Կրթություն	26931.9	23639.7
8	Սոցիալական պաշտպանություն	14800.0	14180.0
9	Պահուստային ֆոնդ	751.1	-
	<b>Ընդամենը</b>	<b>149991.8</b>	<b>137191.9</b>

**Առաջնային և համայնքի համար գլխավոր  
խնդիրներից են**

1. Երաժշտական դպրոցի շենքի վերանորոգումը
2. Ոռոգման ներտնտեսային ցանցի վերանորոգումը
3. Ներհամայնքային ճանապարհների վերանորոգումը

2017թ. ընթացքում համայնքի առջև ծառայած խնդիրների լուծման և համայնքի վիճակը բարելավելու համար հաշվի կառնվեն համայնքի բնակիչների կողմից առաջ քաշված բոլոր առաջարկություններն ու հիմնախնդիրները: Նպատակային կօգտագործվեն համայնքի բյուջեի միջոցները՝ բարձրացնելով բնակչությանը մատուցվող ծառայությունների և սպասարկումների մակարդակը և որակը, համայնքապետարանի և ՀՈԱԿ-ների աշխատանքների արդյունավետությունը:

**ՄՐԳԱՇԱՏ ՀԱՄԱՅՆՔԻ ՂԵԿԱՎԱՐ՝**

**Գ.ԴԱՆԻԵԼՅԱՆ**